

Wenn er schon nichts gewonnen hat/
 So het er doch Eßn trincken sat/
 Vnd erquickt einer da sein herzk/
 Das er vergas sein grossen schmerzk/
 Es warn der freuden da so viel/
 Von Drumel pfeiffn vnd Seitenspiell/
 Es waren da vier Bergkgeselln/
 Die sungen lieblich/ wie sie sölln/
 Discant/ Tenor/ Alt vnd auch Bas/
 Sie kundten halten rechte mas/
 Mit Baufirn recht wie sichs gebürt/
 Ich hab viel fröligkeit gespürt/
 Das ich mit warheit reden soll/
 Es gfiel mir alle sachen woll/
 Der Bürgermeister viel mal thet/
 Die Schützen er getröstet het/
 Vnd sprach in freundlich zu der massn/
 Sie solten sich nichts irren lassn/
 Einer dem andern zechen zu/
 Es wer Gott lob verhanden gnug/
 Eine zum andern sprach es gilt das/
 Der dritt entgegen mit einer mas/
 Der viert kam mit ein Glas daher/
 Der fünfft mit ein silbern Becher/

Der